



續資治通鑑長編卷五百四

宋 李燾 撰

哲宗

元符元年十一月乙巳朔承議郎都貺爲金部員外郎

許幾爲虞部員外郎

新彰信軍節度推官方天若試

正字先是天若初得召對曾布言天若不可進上曰誰

舉之布曰不知上曰徐鐸也布曰天若凶慝眾之所惡

林豫嘗言閩中有二凶人一在館閣乃林旦一中高科

乃天若此朝廷不幸也昨程文中欲禁錮元祐人子弟

籍沒其家產此乃迎合之語非敢言也願加察上曰須

且令上殿布曰已召對不可已但於進擢之際願更留

聖意審察上頷之

布錄十月壬辰今附此

西作坊使英州刺史

知瀘州王獻可再任滿遷左騏驎使又再任上諭曾布

曰獻可元祐中亦有章疏

獻可二年五月十八日竟責

布嘗敘訴

理事云先是章惇進呈余爽書出惇家人頗疑之上遂
搜閱於禁中得真本又得其乞還政書然宣仁六月已
服藥爽七月十三日乞復辟九月三日升遐矣故不能
救前貶上因檢尋余爽文字遂見張敦禮王師約所上
書已而兩人皆貶此師約貶于月六日上又言周鼎李許輩亦皆
有書又言許附陳衍可罷閣職及進呈乃云事狀不明
且已而周鼎輩文字亦不出此可以知聖德之仁厚也
然自爽事後迄今紛紛未已而蹇序辰及安惇又數以
訴理事文致緣飾乞施行惟上意終緩故被禍害者亦
鮮但羣小凶燄未肯收斂爾

丙午御批勘會近降指揮御輦院將來南郊差撥下都輦官五十人般擎御前物色自可相度閑慢去處申明抽那應副其本院被受聖旨經宿迺奏仍復引用常條更不施行所有合干官吏可送大理寺疾速取勘聞奏

御集十一月三日事究竟當考

又批御輦院官係進乘輿最爲親近今

梁吉者出自軍伍似非所宜可下吏部審會別行選差自今闕官準此

丁未權殿中侍御史鄧斐言嘗論右司郎中孫杞察訪

河北首薦執政大臣親黨門人聞有詔罷杞右司除小

郡請早降責命以示天下會杞卒詔杞緣右司郎中身

亡合得恩例勿行

九月四日安惇云云可考

戶部言祿令致仕官

若本身遇特恩轉官者並依所轉官給料錢字下請增

入注文內該請衣賜者準此從之

無新

戊申工部上鑄錢監監官任滿得替殿最法戶部上捕

蝗法並從之

舊本特詳今從新本

己酉御史中丞安惇言近奏翰林學士蔣之奇於元祐

初奏雪知亳州李莘前任江西提刑日衝替罪犯為太

重事望詳前奏早賜處分詔之奇贖金十斤

鄒浩云云

監

察御史蔡蹈言齊鄆濱滄等州大被水患為害甚遠良

由北外都水丞司自去年七月以至今今年一歲之間略

無措置以備捍禦馴致今日之患詔權北外都水丞竇

訥罰金三十斤仍令梁鑄根究河水泛溢去處係是何

官司管認及應有罪之人具狀以聞

權殿中侍御史

鄧棐言北河監司同薦權北外都水丞竇訥正任按訥

乃執政大臣之壻監司貪附貴權急於媚竈忘其分守

越職論薦曾不顧忌請正犯分附勢之罪詔李仲陳繫

王勇各贖金二十斤

寶訥章惇壻陳瓘云王勇提舉河

舉河北路常平乃紹聖四年五月六日李仲提點河北東路刑獄亦四年十一月十五日

三省檢

會元祐七年宣德郎宋保國奏請太皇太后行躬詣太

廟之禮詔故通直郎宋保國追毀出身已來文字除名

宋保國舊特詳今從新

環慶路經界司言都鈐轄張誠等襲逐

寇犯涇原西賊獲五百餘級詔張誠下軍兵等各賜錢

有差其得功將士等仰經略司保明以聞樞密院言

近西賊舉國侵犯涇原路攻圍城寨惟恃重兵務在速

戰其本路經略司及統制官副都總管王恩等統領官

姚雄姚古環慶秦鳳統制策應兵馬种朴王道各能持

重不與輕戰保全師眾及屯據要害張耀兵勢使不能
深入作過致賊無利沮喪遁歸詔賜王恩等銀絹有差
朝散郎楊挺爲虞部員外郎

庚戌吏部言請選人應合用舉主關陞改官者除依條
限定員數并合用職司外更許奏舉不得過二員從之

新無

三省奏鎮安留後駙馬都尉王師約元祐閒嘗奏

請令殿中一二使臣或有文字密令承受投進利害可

云云

否一繫陛下裁處詔師約降爲泰州團練使

布錄十一月乙巳朔

可考

戶部言請在京麴院監官每年趁辦課額及三

十貫減一年磨勘從之

新無

辛亥上幸醴泉觀

壬子樞密院編修文字所言諸將下步軍教習事藝並

依海行法除上名人外以十分爲率置弓弩六分槍牌手二分遇結隊卽依隊法其隊內所闕槍牌手人數卻以互習人充代從之

癸丑宣慶使榮州防禦使入內副都知梁從政爲景福殿使三省言元豐末元祐中王鞏累上書議論朝政

表裏姦臣欲盡變更先朝法度張保源累上書議論朝

政附會姦臣詔朝散郎王鞏特追毀出身以來告敕文

字除名勒停送全州編管通直郎張保源特勒停仍展

三期敘於峽州居住元符末邸報全州編管人前朝奉

中累上書議論朝政表裏姦臣奉聖旨特追毀出身以

來告敕除名勒停全州編管奉聖旨放逐便因此可考

陳次升言章惇事附見元吏部員外郎王博聞言按

律宗室下人從輒以鞭棒之類爭奪馬路者杖八十請

令百官同爲一法從之仍請重加二等

新無

提舉永興

軍等路常平等事蔡肇言按到邠甯慶三州昨環慶路
修安疆城寨木植等於上戶收置和雇除知邠州仇百
玉已降雨官外龍圖直學士右中散大夫新知熙州孫
路皇城使文州刺史知忻州藍從周朝奉郎通判太原
府李公裕奉議郎新知曹州南華縣事韓緒宣義郎知
涇州耿毅各降一官

己未吏部侍郎黃裳言元豐官制凡入品者皆給告身
其無品者給黃牒故雖小使臣皆給告身後來時務從
簡遂行宣劄指揮於理未安請自借奉職而上皆給告
身復循元豐官制從之

舊云復先帝給告之制新削

三省言訪聞

市中石炭價高冬寒細民不給詔專委吳居厚措置出

賣在京石炭

新削

詳定重修大禮敕令所言元豐四年

十一月詔親祠宗廟歌者在堂更不兼設鍾磬宮架在

庭更不兼設琴瑟堂下匏竹更不寘之於階詔登歌鍾

磬並依元豐四年詔旨

舊錄云復先帝禮制也新錄削去

司封言元

豐法散大夫將軍團練使雜學士以下母妻並封贈郡

君其餘陞朝官母妻並封縣君銀青光祿大夫太子少

保節度使以上郡夫人開府儀同三司以上國夫人並

係用子官封敘元祐更制遂案前法詔封贈並依元豐

法

舊云復先帝封贈法也新削去

庚申刑部言投換軍將人如無家業者許將見錢五十

貫已上願納赴官收管充抵當許行投換在京於府司

檢校庫在外於所屬州府軍資庫寄納從之

新無

辛酉上齋於大慶殿

壬戌薦饗景靈宮詔讀冊官至御名勿興凡讀冊皆如之著爲令遂齋於太廟

癸亥朝饗八室齋于南郊之青城

甲子冬至祭昊天上帝於圜丘以太祖配禮畢羣臣賀於端誠殿還御宣德門大赦天下應見貶謫官員除元祐餘黨及別有特旨之人外未量移者與量移

十月末
鄒浩云

云可
考

戊辰詔莘王伋簡王似依申王佖等出閣例添賜公使錢

庚午

案此日原
本有缺文

辛未恭謝景靈宮

壬申詣上清儲祥宮

是月高麗遣使尹瓘等入貢

二年正月二日館伴高麗使尹瓘等欲十

三日朝辭詔留之檢實錄等書並無尹瓘入見月日又按王雲雞林志云元祐五年則已見十二月五日獨元符元年圖經亦云元祐五年則已見十二月五日獨元符元年須別考詳姑附十一月末又按高麗使者自元祐以來屢至京師不知王雲何故但舉兩名豈作書時只此使貢歟當更考詳

十二月乙亥朔詔自今宣赦書德音輪小兩省官一員

往宣讀處指揮摘句讀

寶文閣待制知秦州陸師閔

試戶部侍郎

知樞密院事曾布言陛下比以甲子冬

至躬祀園丘自奉祠景靈已徹黃道衲褥詔讀冊官至

御名勿興及赴大次又詔百官不許回班所以深致寅

畏之意至太廟門降輅入趨齋宮及升輅赴郊皆屏蓋

卻輦步趨以進薦獻之際至神宗室悽愴泣涕逮還版

位沾濡未已惻怛感左右臣備位輔臣職在贊導悉所親覩伏乞宣付史官書之典冊從之

丙子文武百官並以南郊赦書加恩給事中范鏐言中書省送到新知明州葉濤改知淮陽軍為元祐中訴理

先朝被罪不當詳濤所進狀辭情不遜侵黷先朝今止

降知州軍猶有民社未敢書牘行下詔濤知興國軍鏐

再論奏改管勾崇禧觀陳瓘云云 鄒浩云云戶部言庫務給官

司合用物並監專書押封印供納及付請人候到當官

驗認秤量交割其不可書押封印者止封樣交割從之

新無

丁丑鴻臚少卿趙屺為太僕少卿按舊錄八月九日太

少卿趙屺為太僕少卿曾布曰錄云合鑠坐收租更鈔故事與此對移又按舊錄十月十九日卻書趙合鑠知

光州此又書鴻臚少卿趙帆為太僕少卿與八月
九日所書並不合恐實錄因仍繆誤當詳考修入右

司員外郎劉拯試太常少卿太常少卿張商英為集賢

殿修撰江淮荆浙等路發運使家傳云以太常少卿召

運按商英除少常乃四年十一月二十六日不除集撰發

餘不曾供職六月十二日己丑曾布議除商英待制知

瀛州亦稱自少常除家傳鄜延路經略使呂惠卿言

威戎城等處收接到西界歸順首領密烏成尾按例合

補內殿崇班從之館伴高麗使所奏尹瓘等尅定來

年正月起發迴程臣等已婉順說諭瓘等可且盤泊繼

而會食又言聞修州橋恐閉口無水臣等未見開河畢

工期限慮人使進發河水妨礙御批契勘高麗使人到

闕盤泊未久宜割與館伴所且作朝廷再三優異待遇

款留之意所有開河造橋可相度別展月日下手仍一

就劄與照會因坐閒令委曲開諭尋令高麗使以二月
下旬朝辭三月初選日送發

御集十二月三日事實錄
見明年正月二日當存彼

此去

戊寅遼國遣使奉國軍節度使蕭昭彥副使中散大夫
守太常少卿充乾文閣待制王宗度來賀興龍節

己卯尙書左丞蔡卞言昨季秋大亨于明堂差充初獻
就南郊望祭殿行禮竊見其殿制度迫窄階級平夷未
足以仰稱嚴事之意蓋聞明堂者天子布政之宮於以
朝諸侯而先王宗祀配帝乃就此者所以致親親之意
也國家皇祐初講求墜典始卽大慶殿奉祠至今循之
蓋得古宗祀之遺意獨常歲遇祭位處有所未安恭惟
對越上神配以烈考大事也雖遣官攝事亦當如此伏

見新作南郊齋宮端誠殿實天子潔齊奉祀及禮畢見羣臣之所在國之陽高明遠深可以享神卽此行禮於古義爲有合請自今大禮依舊制外其常歲秋大享改就端誠殿從之詔皇太后曾祖考追封魏王向敏中

追封韓王妣梁氏張氏宋氏王氏改贈陳國魯國豫國雍國太夫人祖考追封魯王向傳亮追封唐王妣吳氏改贈兗國考追封陳王向經追封吳王妣李氏張氏改贈荆國楊國皇太如曾祖考崔實贈太子太保妣柳氏贈吳國祖考崔琳贈太傅妣楊氏贈秦國考贈太尉崔傑贈太師妣李氏改贈唐國繼父贈建武軍留後朱士安贈保甯軍節度使開封府推官錢蓋爲刑部員外郎涇原路經略使章棻奏依準六月七日九月十九